

兩  
朝  
平  
壤  
錄

陸萬兩朝平攘錄序

會稽商濬景哲父題

明興汛掃夷夏定鼎幽燕左據天下  
之圖而右扼四夷之吭文德武功自  
太皞燧人未嘗有也承平以來其間  
廟算長計平攘舉而社稷寧則惟是

隆萬兩朝之爲烈蓋自倭數闖入爲  
邊境患中國猷之會俺酋悔禍致舐  
犢之愛解辯受封折箭誓內保塞世  
世比之屬國蠢茲土夷各恃巖阻驟  
啟隙亂逆命天驕我是以胥蠻獮之  
役大兵穴剽不啻草薶而禽獮之規

方數千里呂為郡縣皇又乎百世業  
哉東之征悉索散賦以急與國不無  
宿師匱財之虞然卒殪之海上獻俘  
飲至厥靈赫焉至如寧夏之氛折衝  
授首不過神武之上直彼當者反走  
耳夫自晉禦夷者不譚剿則談撫剿

且傷恩撫且損威撫剿恩威相機而動則

聖天子與密勿之臣彊圉之吏所為  
矜美多也在昔蠻夷率俾典謨懿盛  
而出車挾杜車攻六月之詩被之管  
絃以垂不朽然則是五大舉也可獎

傳述以嘔歌太平播遐邇若天威臨  
之者與余鄉諸葛先生淹貫古今默  
數竒不戾且與燕陽先大人同藉誼  
交歡時又相與抵掌國家大禮大戎  
一切典故灑又若懸河靡有殫也今  
先生有概於兩朝平攘之盛爰譔五

傳事核詞嚴庶幾寔錄余乃更為讎  
訂而授之梓以備異日者國史氏或  
有採焉雖然余益重有感也北虜款  
塞干城之將緩帶而晝臥島夷嶺棘  
以次鏟削文武大吏搖白羽而治之  
詎不甚休碩虜至逞至叵測也思摩

鐵勒渤海屬濱徧窺虛伺間地曠牧  
馬倉卒之變胡以應之此徃於歟而  
自弛之患也土獯構結難馴易梗治  
以漢法安保無虞蓋撻伐甫張而賢  
价之師又煩經畧矣狡夷禍連東北  
螫中江南濱海隄防又未知其所稅



駕此窮於術而自恕之患也昔周之  
盛也天保治內采薇治外故天子有  
道守在四夷詩云惠此中國以綏四  
方則先生之爲是傳與余之行是傳  
也倘可爲修攘之一助乎誠大幸過  
望已 告

萬曆丙午夏仲月書於西湖之別墅

兩朝平攘錄敘

我

國家汛掃胡元真寧四裔  
裨海內外降幡貢舶賁  
相望於大荒窮徼之表

真萬里同室也然氣運  
貞復人事儼弛不無姦  
宄竊萌釀釁藩徼致勞  
斯斧譬之一元周麗而  
雨露霜雪不妨並用總

之鴻猷懿燦

列聖以還可考鏡已

世廟末年自順義憬孚烽  
燧寢息當是皆寰寓清  
泰即三五盛際曷以加

茲逾年

聖主御極二三元老協衷  
秉衡政教熙洽之龜而  
西夏東倭南酋跽警突  
起意外率勤王師遠征

徐題底定盡惟  
天威震疊將吏協謀蕪之  
鼎祚昌隆羣夏率俾區區  
癰疥似非根本之慮第  
聞之

聖王壹體群類尺寸疴瘵  
俱屬診厲試診厥脉絡  
逆其症所自始庶幾彰  
往察來是亦撫世者一  
青囊也吾鄉味水諸葛



氏博聞遐識研精理要  
尤加意時務誦讀暇輒  
採

隆萬兩朝平議大政亟輯  
爲全書幾百萬言余幸

受而卒業焉其于疆域  
源流攻取始末靡不臚  
列區分纖鉅畢載一攬  
是書即如身履行陳而  
千萬里外之情形不啻

在眉睫也且其間成敗  
得失機緒變易加以叅  
錯勞晝洞若觀火則憊  
憊徹桑之思一篇之中  
三致意焉夫兵不得已

而用之讀此能無蒿目  
而拊髀乎昔商君景祐  
樂觀其成欲付剗剗氏  
以傳而謀敘于余余不  
佞因書此言以告之

峇

萬曆丙午夏六月吉

賜進士出身正奉大夫正  
治卿廣東布政使司左  
布政使王泮撰

西朝平壤錄

目錄

卷之一

順義王傳

三娘子附

封順義王贊

卷之二

都蠻九絲

平都蠻贊

卷之三

寧夏時承恩

平寧夏贊

卷之四

平壤錄

目錄

卷之五

日本 附白

朝鮮 附

平関 白賛

播州 揚應龍 平播賛

兩朝平攘錄卷之一

會稽

諸葛元聲 輯  
商 濬 校

順義王

順義王俺荅。韃靼也。其先元主脫歡帖木兒。後我太祖高皇帝。汎掃胡塵。元主北遁。獲其后妃及孫。買的里八剌。乃封為崇禮侯。元主殂。遣使致祭。謚為順帝。國人號曰惠宗。子愛猷識理達喇嗣立。朝遣崇禮侯北歸。以昭恩信。愛猷識理殂。號曰昭宗。次子益王



脫古思帖木兒立。值大將軍藍玉北征。遁至也速迭兒之地。為所弑。坤帖木兒繼立。亦被弑。自此不復有帝號。永樂初。鬼力赤立。非元裔也。眾不附。尋弑之。韃靼太師阿魯台統其部落。乃迎順帝。後本雅夫里為主。稱可汗。夷中阿魯台復弑之。本雅妻率屬來朝。乞居內地。而元剌強裔脫歡引眾擊殺阿魯台。收其部落。欲自立為可汗。眾不可行。求元後。脫不花即普為主。居沙漠北。脫歡死。其子也先為太師。因土木得志。遂弑其主脫不花。自稱曰盛天。華言大可汗。肆桀

驚平章哈刺謂也先曰。主人衣新衣矣。幸以故衣賜

臣。故衣指太師也也先不許而封其弟。哈刺意不平也。先知

之。鳩其子。子飲而覺。嚙指血染箭。令僕持報父。哈刺

勵兵襲之。也先勢不敵。從數十騎遁去。既又恐其下

叛。夜與親人至一部落乞漿。婦人以酪飲之。遂去。

夫歸。婦言狀。則夫之父嘗為也先所殺。因追及殺之。

字來復。殺平章哈刺立小王子。尋亦弑之。復立脫思

為王。脫思小王子從兄也亦稱小王子。此時瓦剌諸酋西徙。與

土魯番相讐殺。以故小王子漸強。脫思歿。其子牙額

罕立。亦稱小王子。生子十一人。咸勇悍善戰。分住九邊之外。嘉隆間。極為邊患。俺答即小王子賽那郎子也。驍勇方畧空群。與兄吉囊不時擾邊。庚戌。俺答大舉入通州。薄安定門。京師戒嚴。聞皆中國叛人導之。其後復得趙全等為之主。畫趙全。晉人也。先是山西妖人呂明鎮。即呂以白蓮妖術謀不軌。全與立富等從之。事覺。明鎮伏誅。富與全率黨李自馨、劉四、趙燕、全呂老十。明鎮子猛谷王。即王廷輔之屬。叛歸俺答。駐遼外古豐州地。屋居農作。招集亡命。頗雜漢夷。居之。名曰

板升

因升板築恒故名

僊谷授金等皆為酋長。丘富。金等

益用事。已而試百戶張彥文。遊擊家丁劉天祺。及邊

民馬西川。趙宗山。穆教清。張永寶。孫天福。周元。及張

從庫。王道兒者。二十八人。悉往從之。衆至數萬。金等

因導僊谷為帝。治城郭宮殿。為離宮。九楹。以奉僊谷。

制極壯麗。僭擬宸居。期日升棟。會大風。棟落。壓殺數

人。僊谷遂不敢居。

北虜虎狼也。性不屋。惟便毡帳。隨草澤以居。專事畜牧。自石敬瑭以

山後諸州獻丹而虎狼始入室。居之完顏割據蒙古

混合石晉為我首。我因明復驅之歸山林。還其舊性。所以每以侵邊不敢據城邑。今金等又欲

平壤錄

卷之一

三

建堡治第如王者。署其門曰開化府。有蟾宮鳳閣之號。俺答亦貴近之。數引虜入犯。破城堡。殺吏卒。無歲不至。邊境苦之。幸虜無大志。然入寇必與計議。如隆慶初汾石之禍。皆全等本謀也。朝論籍籍以板升為憂。募得全者。拜都指揮。賞銀千兩。久之不能得。俺答親子九。義子一。其長子黃台吉。臂偏短。善用兵。驍悍亦為諸酋冠。且兇狡無賴。嘉靖末年。其嬖妾桃松寨私通部目。收令哥俱誅。乃相率自大同新平堡求降。宣大總督楊順納之。致闕下。台吉慙恚。殺守舍及觀

屬百十人。追索不得。乃縱騎掠塞內大同左右衛諸堡。為攻毀畧盡。且曰。若歸吾婦。願以銀馬略駝相易。不則使若奔命不休。大同撫臺疏乞從長議處。邅遘患已。而虜益布滿山谷。圍右衛城數重。順恐乃言虜願以我叛人趙全等。易其逃婦。奉兵溪以為便。時嚴嵩當國。遂聽順言。許之。遣二人回。行至白登。順令人誘收令哥。携桃松。自西陽河夜逸出塞西去。復陰告台吉。選騎追之於黃河岸。執至帳下。召諸婦環視。磔裂之。刺取心血。編飲諸婦曰。若輩私奔視此。虜既狎

知順等無能。於是散牧新平關。攻右衛益急。卒不致

全等。至隆慶庚午冬。乃有那吉之事。俺答第三子鐵

背台吉

又名黑台吉

早死。遺三歲孤。名把漢那吉。其母胡

媼。俺答又以事殺之。俺答妻一刻哈屯。怜惜那吉。以

僕阿力哥之妻乳之。及長。那吉多智。有口辨。俺答善

之。娶壻比吉女為之婦。不相中。復聘兀慎家。取鬼裔

金的之女未娶。俺答長女啞不害。有所生女三娘子。

庚戌相至。是年及笄。貌甚艷麗。已受撫兒都司聘。俺

答先通焉。已生子。遂奪取之。撫兒恚甚。將攻俺答。俺

答無以解。即以那吉所聘免拷金的女償之。那吉怒。謂阿力哥曰。我祖妻外孫。又奪孫婦予人。吾不能為。若孫。吾行矣。遂與阿力哥同妻比吉女等十人。馬十三疋。南走。以隆慶四年十月十日止平虜城外。叩關請降。巡撫方逢時聞之。督府王崇古。崇古曰。此奇貨可居。於是豐館餼。飾輿馬。厚遇款納。具疏以聞。言欲尊顯之以示虜。因與為市。令繫送降人保塞奉納。來虜即不急。因亦撫納。如漢匈奴質子事。使招其故部。居近塞。以羈縻之。德谷老且死。而黃台吉立。勢不平。懷錄



能有其衆。而吾以一屑者。谷蠡猗猗之。置塞外以觀。其俯仰。舊存部落。勢必響應。黃酋聞之。勢必忿爭。而酋嫌我。則兩利俱存之。互讐殺。我得因勢而制之。外不失與滅繼絕之名。而內收其力。此萬世計也。詭上朝議不能決。時當國者。新鄭高中玄。力主納之。請授那吉爵指揮使。阿力哥正千戶。各賜衣一襲。宴賞供張甚厚。俺答乍失那吉。私念中國患虜。歲入寇邊。必且甘心之。又妻一剌哈屯。朝夕注目。盡腫乃召趙全等計事。全曰。今日欲得那吉。須厚賄以贖。否則賜以

兵。俺答然其計。率衆數萬。進薄大同。崇古命總兵馬芳趙岢。嚴兵以待。俺答不敢進。駐兵平虜。且索打話。無敢往者。百戶鮑崇德。素負膽氣。善胡語。慨然請行。時有一總兵。以罪繫。亦自負勇敢。令之輔行。未中路。總兵恐畏逸去。鮑單騎入虜營。見俺答方盛怒。謾罵曰。余自用兵以來。殺若干搃兵矣。鮑百戶俟其氣少。平進曰。國家多少總兵。殺之可盡乎。中國倘殺汝孫。汝孫再難得矣。今汝孫已部送北京。予官職收養。今欲取歸。獨有乞恩懇求。何持兵深入挾取。是速其亡。

也。俺答聞言頗銜之。乃留鮑隨遣親屬往覘。則督府  
豫計。那吉方蟒袍貂帽。馳馬從容。與諸將游獵郊原  
矣。虜婦報俺答。釋然心喜。時冬寒草枯。駝馬多僵倒。  
衆騎咸怨。詈趙全等。又辛愛黃台吉亦怨俺答寵少  
妻。三娘溺幼子。三娘子所生不他失理後和信任匪  
人。趙全踈其種類。於是崇德再入虜營。說俺答縛諸  
叛人以贖愛孫。俺答知衆心乖怨。頗欲從崇德言。第  
素昵全等。猶豫不忍殺。一刻哈屯大罵俺答以故爭。  
必欲歸其孫。俺答悟。乃先繫張彥文於陽和。周元欽

藥死。乃詭召全等計事。即帳中擒全與弟龍。及李自馨。劉四。猛國王。呂西川。呂老三。馬四川。凡八人押送中國。內具文稱臣。并請封貢。進至雲石堡待命。王督府先已請旨。遂受其獻。復厚贈那吉。遣使送歸。那吉猶戀戀不欲去。崇古諭以朝廷恩意。許奉表通貢不絕。臨行更加宴賚。那吉感泣。誓不敢貳中國。乃携其妻以歸。留阿力哥及俺荅使二人為質。崇古既獲叛人趙全等。各檻囚至京。十二月告廟獻俘。八人悉支解於市。朝廷以總督王崇古巡撫方逢時。

兵部尚書郭乾侍郎谷中虛王遵各陞賞有差。又加恩輔臣李春芳高拱張居正殷仕儋及原任大學士趙貞吉等。那吉歸見祖母二克哈屯喜若再生。各部落皆慶賀俺荅。俺荅亦感天朝禮遇伊孫。即遣使來謝。且乞表式請封。崇古疑吉囊大把都未與盟。恐有詐未許。蓋吉囊者俺荅兄。老把都兒昆都力哈。俺荅親弟也。吉囊死子四。長曰吉能皆俺荅親姪。而元慎擺腰永邵卜哆囉土蠻等酋又多其本統親枝也。俺荅於諸虜為尊。行力能合之。必同心內附。然後可。

假以王封。官諸酋長比三衛。示羈縻也。撫督以此難  
俺荅。俺荅辭以為土蛮故主也。力不能致。崇古獨計  
老把都與土蠻善。而內親黃台吉。

按青台吉二女。一適土蛮。一適長昂。妻死其妹來  
吊。長昂通而留之。且賄青台吉。土蛮見妻被留。久  
而不歸。忿甚。故與黃酋親。國長昂也。後又欲以兵  
萬人助督府塞達破長昂。已約刻期舉事。適塞公  
以艱去位。弗果。蛮自是怨中國負約。

比時適黃酋使來。崇古乃令黃台吉約老把都以招

土蠻與俺答會同請封。因可以破三衛交構之私。隆慶五年辛未春。俺答始與老把都吉能永邵卜諸部各遣使十八人持番文來言。諸酋長感

聖朝曠恩。願相戒不犯邊。專通貢開市。以息邊氓。第欲禁約諸邊將士。毋燒荒。毋搗巢。以結盟好。

上下兵部議可否。兵部謂開馬市有先帝明禁。又虜今所要。恐橫索不已。有意外之虞。宜勿許。崇古復奏今日之事。不當以馬市例論。嘉靖中俺答擁衆入犯薊鎮。執馬房內臣楊維等脅以奏開馬市。故

先帝不允。而咸寧侯仇鸞出塞無功。潛以金幣媚虜。仍請許開市。以逭己責。嘗是時開市。非虜本心。故不旋踵叛盟。

先帝震怒。始寘於辟。嚴為之禁。今虜情實與昔殊。虜連歲入犯。固多殺掠。乃亡矢亦畧相當。屬者戴天朝歸孫之恩。既獻俘。

關下。復約其弟姪各部落。誓永不犯邊。又非昔之擁兵壓境。挾我邊民而坐索也。且聞虜欲圖尾刺。蠶食西蕃。慮我議其後。故堅意內附。其情可信。又虜使云。



所請市。非復請馬市。但許首後容令貿易。如遼東開  
原。廣寧互市之規。此國制待諸夷之常典。非昔馬  
市比。且昨歲秋防報警。京師戒嚴。至倡為運乾駁  
灰塞門棄城之議。幾為虜笑。今虜納款內附。乃必欲  
定久要。守尺寸。以幸百年之無事。異日有失。究首事  
之罪。則豈惟臣等不能逆觀。即倭酋亦恐能保其身  
而不能保其弟姪。能要諸酋於目前。而不能制諸酋  
於身後也。夫拒虜甚易。數言可決。虜必憤憤去。即以  
遣降之恩。不犯宣大土。竄及三衛。必歲糾倭酋父子

為聲援。以窺薊遼。則言能子弟。賓免諸首。必為蘭靖  
沈河之患。若允虜封貢。各邊有數年之安。則可乘時  
修備。虜設背盟。以畜養數年之財力。從事戰守。不猶  
愈於終歲馳驚。自故不暇者哉。臣又歷稽國朝北  
虜舊有通貢之例。如正統初年也。先以減剋馬價而  
稱兵。夷虜封王。亦有太平。賢義。安樂。及哈密。忠順王  
故事。故臣以為許封貢便。願下廷臣會議可否。惟徐  
文壁。張四維等。二十二人以為可許。張溶等七十人  
以為不可。朱衡等五人以為封貢便。互市不便。獨食

都李崇極言可許狀。兵部尚書郭乾不知所裁條為數事以塞崇古之請。大抵皆持兩端。惟高拱決意從崇古言。於是

天子下其事。部議封俺荅為順義王。子孫各封爵有差。仍許通貢互市。俺荅聞命大喜。謂使者曰。趙全等已除。尚有趙宗山餘黨數十人。援有叛。不滅之終敗和約。王總督以聞。詔悉捕獻。伏誅。如趙全等例。隆慶五年四月。俺荅貢名馬三十疋。遂遣使冊封為順義王。特築一城。勅名歸化。建一寺。勅名弘慈。

此自

修國示版  
昆都力哈。即德答弟黃台吉。俱都督同知。

賓兒台吉等十人為指揮同知。那木兒台吉等為指

揮僉事。打兒漢台吉等十八人為正千戶。阿拜台吉

等十二人為副千戶。恰台吉等二人為百戶。三娘子

封忠順夫人。是時諸夷解辮髮。受封號。請世比於屬

國。邊土靖安。而中國逋逃。知虜不足賴。事急。即以此

為市。有深創矣。

上乃告廟。昭武功。加賚幃幄。諸臣。晉崇古。爵官保。

於是酌入貢之路。定貢獻之期限。貢馬之數。與夷使

進止之所。又議定市場。大同在右衛威虜堡。宣府在  
萬全右衛張家口。山西在米泉營。每歲尅期開市。裨  
將統兵。憲臣臨閱。硝黃銅鐵軍器。各有禁約。虜人毋  
持弓矢甲冑。使得與沿邊居民有無相易。往年燒荒  
搗巢。兩相讐害。屬政盡免。以示招携。隆慶六年五  
月。王總督又為俺荅陳乞四事。一請給王印。如先  
朝忠順王例。二請許貢入京。比於三衛。每酋貢使二  
人。總督大酋四人。俺荅十人。總六十人。貢馬三十疋。  
三請給鐵鍋。議廣鍋十斤。煉鐵五斤。尚未可為兵器。

洛錫生粗每十斤。鍊鐵三斤。宜可給與以壞易新。其  
四請撫賞虜中親屬布段米豆。散所部窮夷塞上。以  
許不時小市。疏入兵科梁問孟。以鍋可互市。撫賞不  
宜輕許。禮科陸樹德言。貢使入京有五不可。凌虐翻  
使一也。忿爭起釁二也。京師內館穀濶累。虜如不  
逞損威傷重三也。窺視動靜四也。今來雖可後必漸  
多難阻五也。宜為代進便。部會議貢使至邊。惟遣  
光祿官賚賞物就給。其欵賜筵宴。本鎮總兵待之如  
禮。廣潞二鍋均犯出境之禁。無已則以銅鍋代之。令

總督市給。其親屬窮虜撫賞。不可以久。宜令提督審  
畫一之法。勿靳勿濫。如各鎮原議。惟順義王印。即如  
議鑄給。詔從之。是月賜俺荅順義王鍍金銀印一  
顆。凡表章俱令印進。又申飭邊臣。益嚴武備。每歲特  
差風力科道官分按閱視。若錢糧。若險隘。若兵馬器  
械。若屯田鹽法諸事。各要拓廣整頓。條實具報。有成  
績者。與檣斬同功。仍嚴故事者。與失機同罪。亟令所  
司議行。是役也。王督府審戎索而善謀。高相國贊  
廟謨而善斷。故能憬群酋以類首。易左袵為冠裳。十

年來虜守舊繩。邊無鳴鏑。則二公之力也。

### 附三娘子

三娘子。俺荅長女。啞不害所生女也。生而骨貌清麗。資性穎異。聰俊超越。流品善書。番文通達。事務尊中國。尚瞿曇。蓋虜中女品之絕代者。算時已受禩兒都司聘。俺荅先通焉。未幾生子。遂奪取之。俺荅寃甚。爭無巨細。咸聽取裁。平居誦經念佛外。手不釋卷。出言和婉。每能豫道人意。常恨生夷中。每於佛前懺悔。求再生。當居中。華隆慶五年。初封忠順夫人。與俺荅生



三子。長曰。不他失理。封龍虎將軍。仲曰。沙赤星。封明威將軍。季曰。倚兒將遜。封武畧將軍。俱稱台吉。萬曆壬午。俺荅廼壽七十餘。長子興克都隆合黃台吉。襲封順義王。後欲蒸三娘子而配之。則舅氏甥女行也。三娘子庚戌相此年已三十三歲矣。俺荅初歿。黃台吉將收三娘子。三娘子嫌其貌陋。拒之。率衆遠遁。黃台吉計部落追之。此時正當互市。踰期虜使不至。鎮巡疑有背盟心。大不安。後半月三娘子已就黃酋。虜使忽來完市事。鎮巡宰牲謝天焉。黃酋先配五薦比妓。

後受胡僧給。納婦一百八人以象數珠。生十四子。罷封僅四年。三娘子佐之。貢市惟謹。萬曆十四年仲春。殂。長子扯力艮襲封。先配滿官。嗔比妓。復蒸三娘子而配之。以其倫表兄妹也。其寵幸無異二酋。扯力艮丁亥秋七月。黃酋死之次年承爵。六月時同三娘子。擁衆十餘萬騎入邊。不首受封。且云有馬八千疋。要用價買之。即退。時值浹雨不止。邊牆多圯。巡撫鄭洛甚以為憂。惟用好言諭虜使。且令人傳語三娘子。無忘香火舊情。至七月初四日。虜卒聽平。受封賞於弘

賜堡

去大里同

三娘子之力也。然扯力艮沉酒昏耗生

七子。齒未五十。

鬚髮皓然而三娘子年逾不惑。色尚

姣好。故扯酋番漢應酬。悉諉三娘子。自辛未受封以

至丁亥。凡十七年間而三封貴爵。

忠順夫人也

貢市之不

渝。多與有力焉。後萬曆二十年宣鎮史章二酋叛盟

入犯。時邊久無警。一旦聞變。無不錯愕。撫臺以中領

軍常鶴

大同前衛人

貌偉才雄。舉之使虜覘動靜。常挺身

入虜營。讓虜王。扯力艮與三娘子。極言中國嘉虜三

世嚮化。歲頒豐賞。今二酋阻壞世好。大不利。今非俘

二酋獻闕下。必不能復微太師恩矣。虜偉中軍狀貌聞其言心動。即擒二酋。仍召熟夷以安。獨石中軍素善繪。因密圖三娘子。及受封三王。各像為圖。說以獻于朝。故備得其詳如此。萬曆初。王公崇古入為大司馬。繼提督者方公逢時。而吳環洲允撫宣鎮。蓋至萬曆丙子。而虜奉貢市者三年矣。提督撫臣俱加恩養廢子。及方後吳。又代為提督。則北虜貢市無定期。而三娘子切切慕華。不時款塞。常親詣見吳公。吳公兒女畜之三娘子。亦事吳如父。情甚暱。三娘子親

華書索金珠翠鈿。公隨市給與。以敦和好。虜中部落  
間梗化者。三娘子感預報聞。撫督府得時為整備。及  
吳公入拜大司馬。則三娘子不復至塞下矣。

俺荅春秋冬住牧豐州灘。昭君墓。入夏避暑青山。黃  
台吉住興和。迤北言能。二子七妃。居河西套中。舊東  
勝豐州之地。長仰住大寧。離邊五百餘里。伯彥索羅  
等住青城。離邊四百餘里。兀克兒等住虎義。離邊四  
百餘里。火落赤等住會州。離邊三百餘里。炒蠻又居  
邊東。住地名必留兔。離邊八百餘里。邇來諸部。惟長

昂最爲京東邊患。其先太寧衛左都督爲完帖木兒。五傳而爲花當。生一十男。又再傳而草門臺罷職。爲影克。影克之子即長昂。今襲職最舊。右都督曰杞班。通二酋所轄一百五十枝。今各路徵賞者。乃二百四十七枝。比前多九十二枝。蓋東邊不互市。直銀絡之。謂之賞邊。故長昂挾此驕悍。屢犯云。

又按板升叛人。皆中國亡命。或被擄。中間亦有求歸不得者。如嘉靖乙丑五月。板升降入李自馨等。叩邊請卒衆歸降。總督江東以

聞兵部不敢主議請行督撫計處。事終不允。隆慶初  
兵部議請優錄降人白春等。戊辰八月詔懸招降賞  
格。於是應募者以千計。如白春等五人。已各有部落  
畜產饒富。至是聞風來歸。

上嘉之。命授附近衛百戶。賞銀五十兩。仍懸賞格於  
邊外。夫戊辰有此例。而李自馨等又不至。甫喻年乃  
與庚午之剽。則或起全誘而阻之也。惜哉。

封順義王贊

味水外史曰。聞牆反目。許語勸谿。天親猶爾。夷性犬

羊。非我族類。安得無侵犯也。嚴尤書夷。謂周得中策。  
並並指太原一驅。曾未思先世古公。已無吝玉帛。而  
伯始受命。猶順事昆夷。玉顯文謨。寧遽宣德涇原之  
繹駘。何能勝行道喙息也。不再世而大戎之鋒鏑。又  
徧西京矣。要之夷無常道。樂在當機。可戰可平。度我  
德力。昔緣紹興金繒事讐。耻和戎者。輒用藉口。然仲  
尼有云。遠人不服。則修文德以來之。既來之。則安之。  
夫梗化不恭。尚修文附。矧煩首聽命。叩關乞封。又繁  
送中行。永絕鄉導。如僚酋之悔禍。容遽却之乎。蓋貢



市利歸酋長。又免燒荒。搗巢侵掠。利歸部夷。亡失不償所得。幕庭密計。或有軒輊。且值胡運中衰。非復曩比。若我沿邊諸戍。烽警塵聲。動微功賞。移此餉虜。塞塵不熾。今二三十年。孰得孰失也。第謂乘此休養。未雨綢繆。適習空譟。愉安旦夕。彌久彌弛。殊爽始計。異時釁孽不測。倉皇朽錦。將歸敵事端。委云和誤。吁晚矣。

兩朝平攘錄卷之二

會稽

諸葛元聲

輯

商

濬

校

都蛮

都蛮。古西南夷。地界川貴。險據萬山。三面阻夷。永寧鎮雄清其窰穴。為九絲山形。盤礴嶺嶺。上修廣可容萬竈。而四嵎峭仄。崇蛮壁立。外限深箐。為蛮中天險。或云昔人以絲從高阜圍之。其外東北則為鷄冠嶺。都都寨。凌九兩方。匪故得名。皆峻壁數千仞。拔地而起。旁僅窄逕。行不霄峯。三岡皆峻壁數千仞。拔地而起。旁僅窄逕。行不

得列騎中間隴坂幽篠。虺蟠蛇引。鑿空而後可度。三  
山鼎立。為九絲外障。入九絲所必由。令人守其上。則  
十萬之衆。勢難飛越。輿地約四五百里。而連屬者二  
省。切近者七邑。都蠻毒流。不啻千里。其在古初。牂牁  
巴笮夷種。非一。漢武通道置吏。後始入中國。其大者  
各有君長。歸化列為土司。獨此地僻險。東之僚徭。南  
之番蠻。負固梗化者。居之。糾聚深固。桀獠數反覆。難  
制。諸葛武侯經理南中。始尊約束。永嘉後。復沒於夷  
獠。蓋千四五百年。至

分賄。縣官知其然。凡事招撫。必先求阿苟。又為苟請冠帶。苟赴縣官領賞。恣其所欲。保旦夕無事。一日領長寧賞。稍不如約。即趨出。拔刀砍縣門曰。必破此縣。官吏大懼。急倍數追與之。苟猶大罵去。未幾又反。反則又賞以為常。長寧監生胡天錫。一家二十一口。苟領賊入其家。妻及男女家人二十口盡殺之。止留天錫一人。擄歸索贖。隆慶五年。長寧有村民共結一寨。以禦賊者。名寶瓶砦。阿大阿二領匪百出劫之。相持五日不破。阿苟從凌霄。率眾助攻。立破之。其中男婦

老幼三百五十餘名。口僅幼小三四十口。以生擄得全。餘盡為剝。如此者未易枚舉。部使者數以上聞。而當事畏難。輒以撫為解。蚩亦說聽撫就利。然撫令未徹夷界。蚩烽已警蜀郊矣。故與地內寇賊為患。未有若都蚩之大且久者。積痛憤千百年。凜凜不平者也。萬曆改元。四川巡撫曾省吾。湖廣承天人。受命日。應得蚩獫狁屠虐狀。欲征之。入蜀即以其事商於巡按孫旬。人當塗孫曰。去年按眉州。蚩縱劫江安。羽書相望於道。遠近震驚。余七日夜未能帖席。蚩之當征。

更何疑也。永安入陳以莊。舊任成都縣。亦痛恨此輩。深究地方利病。著為戎蠻紀畧。極論都蠻當征。而古今御蠻得失。頗各備載。曾公見是書。志益決。廼詳考事機。遂下其事與藩臬諸大夫共議之。議間亦有異同。大畧不可大征者有三。一曰山勢險惡。賊居遠而我勞。急之則遁。徒老師費財耳。一曰地不可耕。人不足使。克之無裨。且自困。一曰九絲彈丸。未足當蜀一肢一腋。病柰何。騷動全省。是時集議者。左布政羅瑤。右布政馮成能。叅政王宮用。叅議沈伯龍。副使李江。平懷錄

愈事周思充。惟李屬談道。兵務皆其關係。故言多落  
落。餘人亦無異詞。議成奏。

上報曰可。乃以鎮守四川總兵劉顯。原任總兵郭成  
安。大朝參將張澤等為將。調永寧宣撫奢效忠等。藉  
諸府衛兵。并麾下募卒。及水西安國亨。酋陽冉維屏。  
石砭馬斗斛平。茶楊正崇。隴清寧。越天全。邑梅等。土  
司兵約十四萬人。於萬曆元年三月二十一日大會  
於叙州。是日開府起馬。簇錦官。天氣方黯淡。旣登途。  
忽聞霹靂。此夕院後民居火起。羅布政來報云。此大捷。

飛也。及開府抵眉，有戎縣通老數人迎見。忽有塵尾  
墜，穿仰塵抵坐閣西南角上而止。仰塵竹所為也。左  
右皆失色。曾開府獨私喜曰：「尾墜者，蚩尾解也。穿仰  
塵者，破竹勢也。抵西南角而止者，蚩正西南夷也。然  
在蜀其速捷乎？」及入叙州，地屢震，皆自東北往西南。  
時高年父老皆曰：「往年平橫江，平白草地皆震。今震  
蚩必平。又震且數，且大乎必速。」又曰：「東方生氣也。北  
方帝所居也。自東北往西南以生道殺之，天兵所臨，  
無不摧折者矣。」愚謂川兵順天意，人怒照臨天愛，  
示微何微不克，况都蚩之惡積稔，于



餘年乎。此後言軍破安霄破都破九絲皆非天意。成祥飛遠火光中官兵占此勝氣。蓋謂此非天意也。不可。劉顯原籍南昌人。年二十時曾以武舉生把隘。嘗挺身與蠻鬪。殺傷數十。蠻名內此。起故素為蠻所畏。郭成叙南甯羅新渡人。家近九絲。係顯私親。其父搃旗被蠻阿大孫殺死。挂腸樹抄間。故讐蠻不共戴天。成先顯未鎮時。所為優兵。悉領南島健士。每發憤思必報。蠻未幾論羅而顯繼之。顯素習蠻。因分兵劉隘。各得要領。任方半年。蠻不敢出寨。地方稍平。七縣民惟恐顯。一旦去。雅蠻害乃科官以顯。閩中舊警。

之。顯遂自陳求去。魯開府曰。剿蠻事非顯莫任。矧  
已署為大帥乎。乃具疏。揭張呂閣下。并譚司馬為請。  
留顯時。江陵張居正當國。一如開府議。不聽顯求去。  
顯於是感激奮勵。一意治兵矣。羅方伯又力贊。趙郭  
成。開府乃假便宜。起成為顯副。而以大朝澤等為偏  
裨。皆人各當其才。大朝貴州人。昔官叙瀘。叅將。嘗心  
憤蠻橫。自請死擊賊。時亦緣事具題。領兵許其報効。  
叅將張澤言及都蠻目裂髮堅。故令獨當一隊。奢效  
忠永寧宣撫也。切近都蠻兵頗勁。然效忠詭而貪。隆  
平懷錄

慶四年官調其兵征蠻。將破賊巢矣。以要賞復敗。其弟祖亞死之。不俟號令。輒班師去。曰。救兵不至也。此後蠻益橫。人謂滅都蠻非奢。兵不可然。效忠與水西土舍安國亨世仇。殺族叔安智。與效忠連親。亦仇國亨。此時劉顯以水西兵動。欲並調二酋。魯公曰。二酋相見。勢不俱生。且國亨來必經效忠境。恐都蠻未滅。別開釁端。乃令國亨但整兵聽調。且禁毋掣效忠肘。而專調效忠。安智屢願從征。亦不調之。以牽國亨。故效忠一意盡死力焉。師既集。開府分布諸將領。作五

路進族。原任提兵安大朝。與原任都司韓以育。屯剗  
得它麥易一路。參將張澤領兵屯飯甌谷。爆毛壩一  
路。並督放忠兵。都司徐仁威。北將善射守備沈茂。隨該鎮  
領兵屯脚板崖黑帽尖山一路。都司侯一位。原任游  
擊吳繼祖領兵屯得勝營一路。原任守備吳憲。舊造  
鳥銃畢。即同把總吳鯨等。於該鎮標下部領衝鋒。叅  
將胡大賓甫任。即往長寧瀘州衛一帶。護送糧運。防  
截奔潰。都司胡恩。鑄造火器。

按火器

鳥銃為第一

蜀兵舊無鳥銃大司馬譚公撫蜀取浙

西間銃聲不覺其中藥彈內演始覺以故銃響即膽喪但製匠須習熟而務足其價則鐵精耐久苟匠不得人又過減其價則放時多暴裂不堪用此宜慎之

火磚

火箭

噴筒

大銃

佛朗機

鐵荅角

發煩

鐵彈

百子銃

九子銃

此外又有找七

稍架砲

雲梯將軍銃俱仰攻器具

文官總理錢穀羅瑤

監軍贊畫馮成能

督餉王

宮用

輪辦軍中雜需沈伯龍

紀功周思亮

督

戰李江

各有司則成都知府陳大壯

同知魯可

耕容朝望 通判洪一貫朱充丘梁師道立 推官

高文炳吳文全 知州羅向辰趙方立 知縣許一

德陳嘉言沈直王完張九思張聰奎張震王之緒楊

汝栢 經歷陳忠王慎

派撲已定。開府與將官議兵所向。劉顯曰。九絲城勁

兵叢藪。難卒拔。而凌霄都都乃其羽翼。願率衆先破

二寨。然後併力。九絲賊無異園牢中物也。公曰。善。會

謀言。凌霄城為酋阿苟所據。凌霄雖險峻。然近外地

且小。而阿苟又數為蠻請。撫者。可誘而執也。先擒

阿苒。繼取凌霄。則蠻自膽落。九絲可圖矣。曹公大以  
為然。公在省時。先以令通判洪一貫。密圖九絲形勢。  
詳細開載地理遠近。山箐內外。或可剽營。或先扼截。  
俱已一覽。憐知。及聞此議。與圖相合。曹公恐驚動阿  
苒。乃揚言撫剿紛紛。議尚不決。而光調土兵一萬整  
棚聽用。亦不明言取凌霄。但密令洪通判會同郭成  
張澤用計遣武生李之實往誘阿苒。阿苒固嘗試官  
軍者。聞召果不疑而來。當日就擒。此時阿苒談笑自  
若。有為阿苒積威所劫者。尚勸將官宜放釋之。聞

府偵知。飛示將官。如有縱苟者。即按兵法。於是洪通判不聽衆言。將苟械入叙州府獄。然後遣兵進攻凌霄。此時四月中也。蠻王俱在九緝。初聞魯軍門動大兵來征剿。阿大曰。不怕軍門。只怕劉顯。領兵來須做準備。方三曰。聞得劉顯被劾。已罷官回矣。未幾人又報洪通判差人請阿苟去講招安。三酋撫掌曰。料也不出此。何足惧哉。遂張造酌酒為樂。凡賊所擄民婦。美者不許專房。惟聚飲供酒取懽。如官妓然。醉則混睡一堂。男女無別矣。軍門計誘阿苟。本出顯謀。及擒



荀時劉營隔遠。而為郭成所獲。顯意不悅。及效忠兵  
將到軍門。令速進兵。凌霄議么兒劉忽議云。兵力未  
齊。奢兵且宜暫退。軍門察其意難之。曰。各土官已遣  
調在途。奢兵因近先到。即宜先有所圖。若令之退。各  
土兵聞風皆退。罪將安歸。劉始惧。曾公此舉既擒阿  
哥即宜星夜嚴取  
凌霄三酋尚無倚倚。緩時日。令一酋統衆與阿么兒  
共守凌霄。即難破矣。此疾雷不及掩耳也。顯不知之。  
迺促效忠兵進。據五斗壩。旋攻下落豹諸寨。至五月  
初一日。悉衆攻凌霄。拔之。生擒阿么兒。初阿苟被獲。  
阿么兒猶固守凌霄城不下。阿苟聞官兵往攻陵霄。

曰。此必不可破。况有阿么兒在上。及永寧兵。於三日破之。苟見阿么兒。掣到嘆曰。九絲城不保矣。軍門見凌霄已破。便乘勢趣諸軍進攻。旬日之間。焚平寨。取高寨。進逼都都。凡九絲內各村寨土人強壯者。三酋皆貪黠為兵。隨伍出劫。其老弱者。一般在寨屯種。中間亦有被擄人口。各分配村寨。目為百姓。不肯出行。劫。但不知王化耳。大兵攻進時。寨中老弱及被擄人等。軍門皆令招撫出外。不許兵士擄為俘級。蠻王素玩易官軍。恬不介意。及聞么兒擒。凌霄被三酋始惧。

方三勸阿大連。據所部精勇者千餘人。令酋阿墨統之。拒險守都都寨。此寨上倚崑崙峻險。下臨百丈懸崖。利石巉巖。絕鉅陡出。止一小徑可上。已被水石壅斷。別無行路。官兵俱屯剗近山。選精勇士奮力上山。盡酋木石滾下。損折兵士。又六月天氣酷暑。攻之九經月不下。驛丞董思明統領部兵。覓得鄉導旁徑可通者。不告主將。私進賊營。後無應援。遂為方三部下所獲。捉見方三。逼令降賊。思明不應。乃以鐵鎖鍊手足。監繫九經寨上。數日後方三復喚出。要令降服。思

明大罵蠻奴。旦夕剿滅。尚自不知死活。我朝廷命官肯隨蠻奴求生耶。因舉鎖鑰臂擎方三。遂為群首。亂刃斫殺。方三又向二酋言。官軍已進據險要。所賴困我者糧運也。今宜遣人打探官兵糧道。我們統領部下從僻路截出。搶奪其糧。使衆兵乏食。自然步退。二酋依言用計。大凡大軍征剿。極重遊兵。一以防衛。突。一以絕交通。一以護糧道。劉顯初進兵。謂大兵既合。無所事遊兵。故有量驛丞之失。軍門察知此弊。至令各將設立遊兵。四面巡邏。却好三酋差奸細來探

官軍糧運。遂為游騎擒解軍門。賊不敢復出。時大兵  
久頓山谷。糧運甚艱。蓋運舟從萬山中逐流而上。中  
有蘧木二灘。亂石縱橫。水勢建瓴。奔騰激射。每船容  
三十石者。方可用人。夫循山高崖上。牽引而至。一舟  
亦須二三十人引之。各州縣解到糧船。大小不一。小  
則易覆。大則難進。轉輸甚苦。營山主簿陸鰲。青神主  
簿宋謙。皆因運糧冒暑染病。運夫日夜勞役。不堪氣  
將議此舉。必難成。功且已破。凌霄取各寨四鄉畏服。  
已足屈慚。蠻酋不若就此用撫收拾。或謂澤暑。兵士

多病。宜暫退休。養僕秋再舉。又見軍門自亦多病。服藥。人心益皇皇。紛請罷兵。太率以寡餉為辭。軍門見衆心不一。馳揭赴閩部。熟計。張江陵獨執議不移曰。此寇久適天誅。決宜掃靖。廓清疆宇。軍既破寨入險。安可退回。毋謂費餉一年。即十年亦無憾也。乃與部臣議。將嚴閣老家抄沒金錢百萬兩。盡與充餉。教撫臺激勵三軍。有進無退。曾公得此報。徧示各營將官。莫敢再言退兵。一面督促輸餉。一面催邁進攻。知府陳大壯獻策。運艱良由灘險。非疏灘不能濟運。因命

官鳩工將蠶木二灘晝夜䟽鑿令勢稍平時正黃梅  
雨水暴漲工作十分難施巡檢曾禾竟以修灘為灘  
水溺死又查敘州府河厥雖有商人抵還官木板乃  
分取匠作如式另造新船二百隻又差官二員各帶  
餉銀自成都而下合江而上平買合式民船三百隻  
於是濱水州縣大舟運糧者浮江而下皆泊於南廣  
洞口然後分入灘河小舟更番接進飛輓如注其輓  
夫不派累里甲即以州縣民兵之脆弱者免其從征  
充為輓卒中猶不耐勞苦逃避不數又就近留南隆

昌嘉澧等州縣。派取傭夫五千人。與民兵同給工食。故雲集。赴。蜀王亦助糧米二十石。自此慶符高瑛羅計一帶。各新建倉廩。積貯糧米。新廩不能容。至堆積民舍。又不能容。乃雲野爨以草輩。初顯等議大征。以一年為期。約用兵十萬。銀百萬兩。米五十萬石。至是積餉共得二十餘萬石。童諫知之大哭曰。官兵將困我十年乎。死無日矣。蓋平時童言。不怕十萬官軍。只怕十萬糧米。困父。酋不能出掠。即坐待斃也。兵糧既足。士氣益倍。軍門火牌催促。監軍日夜督各將動。



兵至六月十八日。諸軍併力攻打都都寨。顯計阿墨無謀阻險。可誘致之。乃令臨清兵布列於寨前。官兵隨其後。各列障。或坐或倚。皆攘臂笑罵。阿墨果領衆下寨。衝殺我兵少却。賊衆追疾。臨清兵反逆其後。各兵奮勇圍殺。遂斬阿墨等於陳。餘賊奔回守寨。我兵連夜速攻。架砲雲梯。將軍銳鳥銳一齊併力。賊已無主。不能抵敵。官軍奮勇齊登。衆亂竄。一、二千人填崖落箐。死創殆盡。次日平明。軍門復差人曉諭營將。內中被擄良民。及土夷情愿投降者。莫妄殺戮。無令

玉石俱焚也。於是村寨小民。及舊所擄選民婦。自投  
縣門者。日以千數。官為各查鄉貫。給還原籍。無不踴  
躍羅拜。呼天稱謝。內一被擄童子。望官兵奔回。解至  
軍門。其伯父隨遞狀具領。抱持號哭。麾下莫不垂泣。  
據狀則隆慶五年。賊破寶坻。若盡殺三百餘人。其  
幼小生擄之一也。口稱其父母一兄兩妹。俱被賊害。  
吳都都統平。群盜靡落。阿大阿二等。商議共力守縣。  
縣城蓋凌霄都都皆九絲外戶。二險破。官兵已入門。  
府西九絲羽翼難冠耳。其寨門舊因山石為之。至  
平樓錄

是二酋令人益挖使險峻。而石門忽崩。阿二大驚曰。此不祥兆。不如併力守九絲城上。阿六曰。大軍聚兵積食。將以困我等。今外面據此。尚有活路。倘兵上九絲。而官兵不退。吾屬其悉為鬼乎。乃留阿大守雞冠。而阿二與方三等俱上九絲。此時蠻谷中一路地震。不絕。三酋魂魄俱喪。人謂此賊巢破滅之兆也。雞冠頗與九絲雄峙相望。中間地步寬衍。雞冠不知九絲。阿大據此。實為九絲聲援。我兵攻九絲。此酋反襲其後。且偵我兵走峽中。兩酋翼而擊之。期必得志。諸將

詞實所以損兵都都人敢輕進。顯等議曰。重險已破。  
蠻王奪魂。阿大不與二酋上九經。意必有異。是可問。  
而攜也。家啟開府。開府與馮方伯等議之。亦欲用間。  
然未得所遣人。長寧縣庠生王希忠者。素落魄。不羈。  
兵興。以策謁馮方伯。曾請身入賊巢。為內應。其言慷慨。  
激烈。頗為馮公所知。且是逆黨。主說阿大。而顯亦。  
知。玠縣監生何經有條。皆可任。乃令二人持銀牌綺。  
幣。招撫阿大曰。天兵討罪。蠻當無道類。爾若聽撫。  
猶可轉禍為福。今撫院已刻期督令諸軍。立破九經。

矣。爾勿與通往來。亦莫往赴援。即大功也。事平軍門  
當為爾請。於朝廷。勤汝罪。永為上司官。管此地方。  
不更愈抱薪助火。同彼兩人。均為魚肉乎。阿大初未  
肯信。然事勢已窮。感與等得脫禍。頗銜之。希忠等日  
守其寨。二酋有使來。輒反間。恐動之。至為剪髮焚誓。  
此蠻中信誓極重者。於是阿大拔刀斫地曰。吾從公  
言決矣。遂不復通。九絲銑以報顯。顯恐蠻志猶未一。  
復留馬胡天全土兵。居近都。都以牽綴之。而別遣人  
散招內官。釣候諸寨。皆給與花紅銀牌。以孤其黨。又

厚犒遺降酋。舉萬良等以餌賊。故阿太舍等乃歸。皆  
傾心願聽撫。期有統系者。遂弼顧望。而兵始得專  
事九絲。無尾慮矣。此時正值八月初旬。顯復部署諸  
將。分大軍為五哨。自己將兵由黑帽山入其西郭。成  
統兵由印壩山入其南。安大朝統兵由得定口入其  
東。張澤統兵由穀堡寨入其北。別遣將由西南入與  
顯會。限八月初九日俱壁立。緣城下營如連珠。各阻  
險。盡銳仰攻。晝夜不休。城上箭石如雨。環其山  
列柵九。柵外掘塹。令勁。索果驚怖。中之。賊雖伏弩。不  
平懷錄

時俯瞰我壘。兩擊之。以是相持不下者兩旬。先是土  
司兵調攻賊。習為賊唱。以金帛。比臨陣。輒反。抗不戰。  
以誤我師。我師數劬坐此。緡川馮方伯。預計黃金可  
酬死士。不但賊利不可嚮。即士伍餽遺。兵餉。舊例扣  
除使用。皆不宜染此。故特申請軍門。於餉外復給劉  
顯軍中便宜費用銀一萬兩。賜將具文領。為公卻之。  
曰。立非常之功。宜有非常之費。何區區庸具文領乎。  
他日功成不足當毫髮。倘一失衆士心。曠大事。即我  
等首領。與將軍首領。未免償。朝廷何啻萬金乎。按

雖在將亦不絕餽遺所御三千兵。顯聞言感激自愧。亦不免扣使用。馮察知故言及之。從此嚴絕愧遺。御下無毫髮徇私。馮監軍與巡道李公。豫檄戒各營將士。賊投金帛。分毫莫取。又縣金募敢死士先登。軍多踴躍思奮。八月十二日。曾開府以九絛久不下。持曠費餉。心甚憂慮。方日午假寐。忽夢空中一神將。披髮仗劍。貌甚奇詭。日光雲氣。晶瑩凝結。若垂天而下。觀者如堵。公問何神。傍有應者曰。此真武神。驚寤以語馮方伯。馮躍然曰。此必勝兆也。真武正神。有大功於本朝。今日之舉。將成二千年神



人之憤。其函贊何疑。後數日。推官高文炳自營中來報曰。酉陽土兵。剽營甫定。群蠻當夜半。各持千鏢大斧。自九絲衝下行劫。未及營百步許。見白衣將軍。伏劒大喝。蠻辟易反走。自相枕藉。死者甚衆。所遺鏢斧。無算。柄長一丈。自是蠻不敢復下劫營。九月初二日。奢效忠自簡。罪兵剽斃者。夜嚴監營。賊愈力。擊弩石。齊發。兵多中傷。又黑夜不得上。只得要歸營。初七日。郭成統所部與酉陽兵合。賈勇直上。通鳳頭山。發至絕頂。賊乘高據扼。滾木砲石亂下。再與不能進。然遂

椅奪其地為營。賊見之。咸震。賊詣者相告。以為官兵  
自来所未見也。軍門因城久不下。尋思無計。或謂此  
山形勢似虎。若擊其腰。賊方可破。遂密諭諸將。緩  
中路之攻。自九月初一日起。止令奢兵攻其頭。郭成  
兵攻其尾。連打八日七夜。賊力甚疲。盡將精銳者撤  
據兩頭。懈怠中守。且此時霖雨連日。山土泥濘。石滑。  
我兵不便仰攻。雲梯砲架。不能施設。火器皆難用。各  
營敢死士。有攀木緣崖欲上者。顛仆反墜。盡在城上。  
反以為笑。所以諸軍莫敢先登。群蠻恃險。頗易官軍。

至初八日雨復大注官兵無一出營初九日雨益甚天日皆晦冥劉總帥與諸將謀曰蠻中九日極重禱賽禱賽必聚飲盡醉今我兵數日不便攻擊蠻守又疲且怠矣必欲破此城惟在今夕乘其怠為必可登此機一失恐後難圖李憲以大雪入蔡劉顯以大兩登九絲皆因時出奇卒成大功古今顯遂乘夜陰戒諸將令降夷么兒引平茶官舍一轍楊正崇衝鋒兵五百攀緣附葛魚貫先登曾公顯賞破九絲賞銀三萬兩擒大頭目一名賞五千兩今平茶土官先登獨得九千兩其二萬餘衆分之次石砦兵次吳鯨等兵推鋒陷陳者千餘人三更傳鼓冒雨衝

於疾進。皆傳危堞。腰絙板挽而上。專擊其腰。蠻果以  
禱賽故。守柵者各醉卧。且恃雨甚。我兵未能仰攻。不  
意卒至。天猶未明。我兵疾斬守關者。長驅直入。壘大  
營帳內。二酋醉夢驚覺起。距關會天黑。蠻衆相紛擊。  
我兵各奮力亂斫。如刈麻。其互擊。踐踏藉及。投崖落  
箐死者。又無筭。已而夜漸闌。郭成率衆隨至。安大朝  
張澤等繼至。六縣募兵皆大至。萬旅沸渭。鼓噪震地。  
無不人人一當百。攢矛橫擊。壘大崩潰。九絲惡賊一  
朝而盡。阿二方三逃。下九絲城。心疑阿大不敢入。魏

冠額復走牡豬寨自保餘賊盡奔鷄冠阿大始以聽  
撫不援九絲及九絲既拔阿大方驚恨意正何二生  
則已連夜遁去阿大頽足悔恨勢已無及因復收合  
餘賊以伺官兵動靜二十二日郭成率衆進攻鷄冠  
額破其寨阿大窮逼送出為劉顯部將擒獲解獻至  
十月十二日諸將進攻牡豬寨方三領賊出距敵把  
總龔絡手搏方三于陳阿二窮蹙自與親信數首輕  
賁晝夜盤歷岩箐遠遁亦為官兵追至貴州大盤山  
擒獲之其他有名頭目及曾經劫擄厚賞悉搜獲傳

斬凡所拘留被擄民婦各發親屬認領還家。至於降  
蠻老幼婦女數千餘人各變姓名易冠服配去遠方  
衛所安置。於是九緇一空都蠻盡平。是役也下寨柵  
六十有奇。燔營舍七千所。擒斬俘獲四千六百有奇。  
得酋王三十六人。招安二千三百人。拓地五百餘里。  
闢良田二十萬畝。獲銅鼓九十三面。皆蜀漢諸葛武  
侯時物。又有古函牛寶鼎。淳于異器凡若干。其他器  
仗牛畜不可枚舉。曾軍門一面具露布。差官飛奏  
朝廷。一面劉總兵暫屯劉九緇彈壓地方。其餘各將

統所部人馬。沿途搜捉餘黨。獲回叙州。各處土官舍  
軍門。悉厚加賞賚。優叙功績。各帶歸本司。仍散遣旗  
牌官押送。路遠者。仍將打造運糧官船。載往所過地  
方。如果秋毫無犯者。土官賞銀三十兩。賜扁獎勵。經  
過有司。預備牛酒。各津渡。俟舟至中流。送至土官船  
上。不許一兵登岸。事各平安。捷音至京。

皇上大嘉悅。告

廟薦勳。百官畢賀。乃陞魯省吾右副都御史。旋晉職  
工部尚書。歷一子太學生。總兵劉顯而下。爵賞有差。

公宜速回矣。公覺言有異。因與同還省中。與馬不肯乘。步隨公歸。送寓青羊宮。公至衙。匆匆治軍務。當完日。凡七日而卒。隨任止一子甫十二歲。曾撫臺與郭按君名思極同日哭臨。盡檢其裝。惟五十

三兩。視其子文義已彬彬矣。遂厚贈護喪歸葬。四明及問青羊宮道人。已不知所往。人謂馬公一生忠仁長厚。蓋仙去也。萬曆辛丑年。馬子登進。

師旋。曾開府與各官議善後之策。或欲倣成化初周文安疏。設立土司。彈壓。魯公執不同。遂於九絲城



設立建武所。內築城垣。命一總兵。一僉憲。坐鎮之。隸以府同知一。守禦千戶所一。社學一。其他寨柵。皆築堡設戍以守。初。戎縣因蠻得名。至是。改縣名。與文。易九絲曰平蠻。凌霄曰拱極。都都曰都定。耶嚨曰文印。釣猴曰降蠻。鷄冠曰金鷄。皆請於朝。奉旨欽定。於是千百年蠻蕃薈蕪之區。一旦豁然成雄鎮焉。大學士趙充陳以勤平事。碑銘曰。維蜀徼土。夷窟其中。山川隔閼。自漢始通。獫狁都蠻。尤怙巖阻。狎為不聽。蠢蔓我圉。迄茲驪車。遂命騎天。

斬阿大等成都市。

初軍門以阿大等監侯按察司。請旨未到。三酋同在一室。遂復謀出獄。適獄卒隄防少疎。三酋遽白晝脫械登屋。已縱火將潰逸。官軍圍視。皆首鼠莫敢近。都司徐仁威膽勇善射。速手弓偏袒望賊一發。首中阿大。餘賊紛墜。無一得脫。然合省人民猶震驚一二日不止。

郭成與蠻有大仇。及破九絲。即以所獲首級易別將所獲生蠻。合六十人。并巴部擒者。共一百二十人。

皆真蛭。乃縛置父墓前樹上。親率家人婦子。設祭奠告墓。令創二十人。剖蛭腹。剗其心。以百二十紅盤盛之。大鼓吹祭父靈。然後斬首獻墓。又滴取心血。徧飲親屬。阿大之孫。係殺父者。成手刃取血。瀝於酒。令兄郭文及母妻子姓輩。各飲盡之。敘南人無不壯快其所為。

馮方伯成能班師。行至雙流縣。前驅遇一道人。坐地不起。衆呵馮監軍來。道人笑曰。我固欲見監軍爾。人傳言於公。公至下車揖之曰。何事教我。道人曰。

猘噬狙攫。諭之同後。我。尚。包。荒。蓄。武。未。究。彼。昏。鞠。  
頑。踉。蹌。而。聞。公。之。戾。止。奉。敷。威。靈。謀。維。金。石。斷。則。雷。  
霆。露。檄。上。聞。以。請。薄。伐。皇。赫。斯。怒。錫。之。鈇。鉞。公。拜。受。  
命。靡。康。厥。居。卜。日。於。邁。以。殄。兇。渠。乃。誓。於。師。萬。旅。畢。  
奮。指。揮。群。材。如。臂。斯。運。鋪。敦。義。勇。虎。賁。鷹。揚。朱。整。日。  
麗。玄。甲。雲。翔。天。戈。一。麾。穴。魄。縮。挫。擬。險。則。夷。摧。堅。必。  
破。既。剪。凌。霄。旋。芟。九。綵。陪。彼。妖。於。樹。我。靈。旗。二。三。遁。  
孽。忤。不。讐。怖。左。跳。右。跋。逞。其。螳。怒。載。揚。我。武。往。拯。其。  
旻。或。就。徽。縶。或。膏。刃。鋒。載。蒐。載。犁。如。鉞。斯。下。懸。落。焚。

巢。丹霄絳野。乃究乃度。乃城乃隍。以控衿喉。屹我金  
湯。乃闢叢榛。樹之閭泉。狼烽旣投。桑土斯徹。乃輯遐  
眊。噢休其瘼。爾安而棲。不逢不若。厥壤之沃。而廬而  
田。昔也虎穴。今也龍編。吉語四流。眊歌且舞。而今而  
後。櫜弓卧鼓。爰始軍興。厥日靡多。儵起呻吟。化為清  
和。維公勝筭。兩風莫測。掀曉撲霧。功在漏刻。捷飛凱  
布。貢厥密寶。高秩厚蔭。以酬乃庸。公拜稽首。

天子聖武。臣奉廟謨。克寧茲宇。

帝曰忠哉。氓具爾思。孰是勲勞。而可擬之。我求古人。

維葛與裴。剪亂定荒。是曰雄才。公功之烈。載在鼎彝。公澤之龐。浸於華夷。翔有燕然。南則銅柱。我銘西垂。萬年之固。

萬曆二年甲戌冬十二月望日

平都蠻贊

咏水外史曰。普天王土率土王臣。設有不類。必要荒海外。乃若蜀之都蠻。桂之藤峽。瓊之黎洞。豫章之桃源。域聯疆宇。地不供王。倘此輩耕鑿自任。木食草衣。如桃源。如終南。如萬里林。又何膏太古遺氓。而馮阻。

負礦於貨越人。甚至屠劫城市。僭號蔑憲。天誅胡可  
稅也。都蚩九繇之險。陪於三方。其積戾千餘年。比三  
方亦為已甚。蓋巘谷峽險。內鮮土腹。非事抄掠。靡克  
自給。王師怯于先登。帥志非有必勝。故久稽法網。妄  
擬天驕。迨理定數窮。天怒人怨。撫臣秉志。虎旅竭誠。  
困獸猶鬪。祇速自斃。一洗冤腥。大快千古。且不頓師。  
不損士真。

聖明之善政。決瘍之懿準也。一方既靖。彼三方者可  
以警矣。